


أشعار بالعامية المصرية

جبر الله حسر الهوى

باغنى حباتى



بِسْمِ اللَّهِ الرَّحْمَنِ الرَّحِيمِ

إلى روح أبى ✖ إلى روح أمى ✖ إلى أبنائى

إلى أحمادى ✖ إلى أحيابى ✖ إلى أصدقائى

إلى جميع قرأى الأعزاء

إلى جميع قرأى القسط العربى

وأتمنى

من الله العلى القدير

أن يجعل طريق النجاح طريقى والصلاح رفيقى وأن

يجعلنى دائما وأبدا فى خدمة الإبداع

والله ولى التوفيق



تقديم

لديوان بأغنى ميّاتي

بقلم الدكتور / يسرى العرب

يقدم لنا الشاعر / عبد الله الهادي ديوانه الأول (باغنى حياتى)
فتوقع للوهلة الأولى أننا سنعيش شركاء له في عمر قصير يناسب عمر
تجربته الشعرية فإذا بنا - مع القراءه - نكتشف أننا مع شاعر كبير يمتلك
خبره عميقه لأنه - بالفعل - جعلنا نشترك معه في حياه طويله مفعمه
بالكثير من الأحداث والتجارب والخبرات .. وكان هذا الشاعر أصدر من
قبل هذا الديوان (الأول) عشرة دواوين نسينا أننا قرأناها من قبل كما
نسى صاحبها أنه كتبها وأصدرها من قبل والقصائد الستة عشر التى
يحتويها الديوان كلها قصائد حب مصريه حتى لو كانت الحياه في
(عذبة جهنم) التى نقرأ فيها

وساعة خرايكم

هيجى غرايكم

ينوح علينا

وهذه الساعه التى يحذرنا فيها عبدالله الهادي آتية آتية إن لم نعمل

لها حسابا ، ونوقف تقدمها في اتجاهنا وهذا يمكن

إذا رفضنا الإستسلام لأعدائنا

في شنطة أخينا

صوابع إيدينا

بتمضى وتبصم

وتختتم "موافق"

يجب علينا أن نرفض هذا الوضع المخزى والمهين الذى نقع فيه ... بينما

كان يجب علينا أن نوسع من موقعنا الفرع بعد العبور ١٩٧٣

(على ضفة القنطرة)

وف شهر أكتوبر عديت

حسيت بلفه

وسمعت زفه

ولمحت خفه

واقفه ومتغذره

على ضفة القنطرة

لابسالى توب مشغول

ومن هنا يتكون الموقف الفكرى للشاعر الجديد بن الإسماعيلية

- بلد النضال - عبدالله الهادى وهو موقف صلب ضد الإتهيار والخمول

، وكل ما يحول إحساسنا بالنصر العظيم إلى إحساس تقيل بالهزيمة

ولذلك نجد الشاعر يتمرد على هذا الإحساس الكابوسى ويرفع صوته

بالغناء المتفائل البهيج :

يقول فى قصيدته (فوق الأمل)

ارسم حروفك ع الأمل تشدد

وارسم همومك ضحككتين ع الخد

واقسم ظروفيك بين قدر ونصيب

واشرب حليب الرضا

واركب خيول الجد

دارى القلق فى الهدوء

واحفظ شروق ذاتك

وادفن آهاتك فى صبرك

مهما جرحك مد

من هنا ، كان إعجابى باكتشاف هذا الشاعر الذى يبدأ رحلته كبيرا ...

ليبقى معنا - ومع قرائه - كبيرا على الدوام لتنتفى فى أعماله القادمة

بعض الهنات التى تظهر - أحيانا - فى بعض هذه النصوص الأولى ،

من اضطراب إيقاعى أحيانا أو تكرار لبعض الصور أو بعض العبارات
أحيانا بما لا يضيف فنيا لبعض القصائد وهى أمور ستكتسب بالمدارسه
المستمرة وبالكثابة الشعرية القادمة ، فالشاعر يمتلك طاقة إبداعية
ستجعلنا نسعد كثيرا بكل ما يقدمه لنا في المستقبل .
والله ولى التوفيق ،،،

د/ يسرى العزب

٢٠٠٥/١/٣١

كَيْ مَالِكِهِ الْقَلْبِ

بأحبك موت

وحبك نعمة من ربي

بأحبك موت

وكل ما شئت تنحني

يا ما لكاني كيان ومكان

وصوتك في المكان صوتي

ياماليتي هدى وإيمان

وقوتك في الغيطان قوتي

ونبوتك دراعاتي

بأحبك كل أوقاتي

بأحسك وانت بتباتي

معاً وتطول الأحلام

تقولى كلام وأنا أكتب لك

واشوفك كل يوم أحلى

من اللي شوفتها إمبراح

والف وراكى في مطارح

وباتقلب على حبك

باحبك شمس بتشرق

وبتغرب في وجدانى

وبدر يهل ويقرب

ما بين الفجر والتانى

ونسمة عصر تتسرب

مابين الزرع في غيطاتي

وعنواني عينيكي السود

باحبك قد ميت بستان

في ميت فدان

في ميت جنه

وخير بالويه في مشنه

بحبك ليلي ونهاري

ولما تشتكي عيونك

دموعي تغرق الأنهار

وتنهار العواف مني

على الخاله وع العمه

وينهار الوجع منى
على الصلبة وع اللمة
واحط الهممة ع الهممة
وأقول يأمة
أنا الأمة
وغمة هتنتهى بنهار
ونوار الشجر ع البيت
يهل تلعلع الزغاريت
وحواديت البنات تسرى
من الدوار إلى الترعة
تميل الزلعة ع الزلعة

ملاحه بمية الأنهار

وست الدار على الرنه

من الخلال بتتخايل

وتتعايق كما الغزلان

تغنى للعدل غنوه

وصوتها يغازل الأكحان

ياخذنى حسننها الفتان

ورمش العين وجدائلها

أمد الخطوه جد لها

أعدى لها

أشوفك صورته في يمينها

أغير منها وانادى لها

باسمك تنتشى وتروق

ماهو * إنتى كرنفال فى الزوق

أنا العاشق وأنا المعشوق

ومن شوقك عرفت الشوق

ياطيف مرشوق فى كل مكان

ومنك منتهى الإحسان

أنا الهيمان

ولشوشتى غرقن فى الشروق

بارسم على ضوء الشموس

سقا وشايل قريته

داير يفرق عرق سوس

وقادوس بيطحن حَبنا على حُبنا

والأسطه بيسن الحجر

وخطر عليه كتير صور

نخل البلح والساقية والطمبور

وقصور *

بتحكي الذكريات المفرحة

والمطرحه *

نساها بتهل الدقيق

بعد الخبيز

والفرن بيكيف شتاكي

للى بيقلب حشاكى ويعزفك

ويزوفك خط وقتنايه

والملايه حوض ربحان

أنا الفنان

وانت القصايد

والأغانى والقصص

الشوق رقص

جوه العيون المغرمين

العين تغازل في الكمان

والليل يقول للنأى ياليل

وحليم يصحى المصطبة

والست بتغنى الأصيل

أنا الصياد

والنيل فلايك

والبحور حواليكى ياما

والقتال بصمه وعلامه

والرضا سهران يشيل

الريح دليل المركبه

والقلع يترقص يميل

والغزل يرسم رزقنا

ضحكه على خد الجميل

والصبر مفتاح الفرج

والصيادين بالهم طويل

أنا العليل وانت الدوا

والعطارين من جيل لجيل

وصفوكى مرهم للجروح

أرتاح يروح منى الشقا

والروح تروق ع الجنزيبيل

فناجيل تهدد ع القلوب

وتدوب تهدد في الأكم

أنا النشوان

والنشوه بتهز الفؤاد

وتاخذنى واعمل سندباد

وينط قلبى للسما

يفرح ويمرح (كلما)

شاف الوجوه متبسمة

ومجسمه الود الأصيل

وصهيل حصان شيخ البلد

أسطوره م الزمن الجميل

والجرن مليان بالحصيد

والفخ بيصيد اليمام

وطيور بتنبش في الحطب

ونشير رطب مخزون لعام

والساحة لامة من هنا

على من هناك

واللعب دابر والحجبل

وأم الهنا

قاعدة على طشت الغسيل

ومعلقة طرطور ضناها

جنب بنية حمام

والدار ولا الأتيليه

وفيه إلهام يخلى الوحي سيل

والوصف فيكى ماينتهى

ومهما أقول وصفك قليل

يامالكه القلب

مطايعة نساء



ويحلا الكلام يامسك الختام

ياأول وآخر حكاية غرام

في جوك خاطير وارفرق وأحوم

في بحرك حاعدى وأقذف وأعوم

في برك حاجى لك واشيلك في عينى

وأقول لك ياعينى غرامك يدوم

وبعد السنين اللي كانت خدتنى

وياما رمتنى في كل إتجاه

وبعد الكاسات اللي ياما سقتنى

عصير المآسى ومر الحياه

لقيتني بأعود ومالي الوجود

بأجمل حبيبةً وبدرى اللي تاه

هواها ملائى وصوتها نادانى

ونظرة عينيها سفينة نجاه

رسمت المشاعر بلابل تسافر

وتحضن جمالها وتطلب رضاه

تروح السنين وتيجى السنين

ولسه بنقرا في نفس السطور

ولسه بنحلم بنفس الطريقة

مشاعر بريئة بتروى الزهور

ولسه بنشرب شقاوة شبابنا

وشوقنا مصاحبنا مواكب تدور

طابور الأمانى يلعب خيالى

وأشوفك قبالى تهدى إنفعالى

وأقول لك تعالى ياأجمل حبيب

برقه وطيبه تقولى النصيب

أنا وانت ممكن نكون اتغلبننا

وياما انكتبنا حزينه وحزين

أنا وانت جاز قـدرنا الفـراق

نشرق نغرب وفينا الوفاء

ومهما اتفقنا مافيش إتفاق

يغير ملامح عيون النصيب

أنا وانت قصـة ما بين الألف

بنفس الملامح ونفس الظروف

وياما مشاهد بتجرح مشاهد

وياما قصايد بتمسح حروف

كفاية في روى وروحك نشوف

حكاوى تداوى جراح السنين

سن العشرين

من وسط قصائد

سن العشرين

عجبتني نهايه وقت اكمل

أتارينى كان نفسى أتأمل

أجمل أوقات

وأشرب شربات يهدم مرى

وأورى صورتى لعفريتى

كان نفسى أتأمل

ماضى ياريت

أطلع م البيت ألقاه حاضر

عمرى ، أيامى ، أحلامى

وأمانى ، كانت في خاطر

ومشاعر كانت مرويه

من بحر الأوصاف الحيه

وتحيه بتحضر دقاتي

كان نفسي

أشيل تاني كتابي

واضرب في صحابي وألا بطهم

وأربطهم في بأخلاقى

والألفه تقرب مسافاتنا

ولاكانشى فيه بينا حدود

كان نفسي أعود

وَأَتَأْمَلُ نَاسَ

مَالِهْمَش فِي شَغْلِ الْبُولُوْتِيْكَ

وَلَا رَفَصُوا الْوِيْكَ بِرَجْلِيْهِمْ

وَلَا شَافُوا الْخَيْبَةَ الْعَصْرِيْهَ

وَلَا زَرَعُوا الْكُرْهَ فِ مَسَاعِيْهِمْ

وَالْخَيْرُ فِي قُلُوْبِهِمْ بِبُجُوْد

كَانَ نَفْسِيْ أَتَأْمَلُ أَحْلَامِيْ

قَبْلَ الْآيَامِ مَا تَحْطُمُهَا

وَالرُّوْحُ تَخَاصُمُهَا الْإِفْرَاحَ

وَعَذَابِيْ يَدْنِدُنْ عِ الْعَوْدِ

كَانَ نَفْسِيْ أَتَأْمَلُ كُلَّ مَافَاتِ

حتى الأموات

وأشرب من دار العز

وأهز (النخل ، التوت)

وابعد عن صوت

مكنة - مهدى -

وأدى - لمنعم -

فرقة نرج مدرسنا

تنادى لى الجدّه بعكازها

أسند عوزها تدعى لى

إلهى ماتشوفش مصيبة

كان نفسى أعبى لى زكيبه

يمكن تتفنى

في دنيا غريبة

وناس مجانين

(أنا فين)

على خطه القنطرة

سنه وعشرين سنه

وأنا سكران

من النصر المعق

بأسأل - وأحقق - وأدقق

في القصايد ***

واقف في موقف تسلل

خلف خطوط الخيال

عمال باناور من بعيد لبعيد

خايف أعدى ***

حالفاني بالتأكيد بكيت

مأنا يوم ماعديت

سقيت الأرض

من دمي ومن دمعى

وف وسط جمعى

حاربت واتحديت

ودفنت وداريت

صحاب السلوى والتتكيت

وارجعت للبيت

بعزه ونصر وغنيمه

بقولى قيمه

وتاريخ سوادى انزاح

وبياضى لاح

غطى القمر والشمس

والدمس صار تفاح

إخلاصى فاح

خلى الصباح المعشر بالهموم

أشر بضيه ع الخلاص

بشر في يوم القصاص

والفجر لم الرصاص

وانجلى نور الأمل

إيه العمل مش محتمل

ولا نص في المليون

أكمل الثلاثين

وأنا هايب الموقف

حأعرف أدارى الدموع

مهما يكون السؤال

واحضن بيدي الرمال

واديها رد صريح

وف شهر أكتوبر

عديت

حسيت بلفه

وسمعت زفه

ولمحت خفه

واقفه ومتغندره

على ضفة القنطرة

لابسا لى توب مشغول

صليت أنا ع الرسول

على عرضها والطول

وحسن الطلعه وكرمها

ووقفت أكلمها

مين إالى بدد آلامها

قالت الثوار

مين اللى طير حمامها

قالت الأحرار

مين إالى خضر عدمها

قالت الشطار

مين إلی طیب خاطرھا

ورد عزتها

قالت ساعتها الحبايب

وانت مين فيهم

إنت إلی هلت التراب

بمدافع المية

وآلا إلی تحت القتال

سدیت جحیم فی~

وآلا إلی وقت الهجوم

شبكت في إيدي

وف كل نقطه قويه

وكل حصن حصين

شفقتنى نصين

وكانت ضربتك ترياق

وانت اللى طلت السما

وسبحت في الأجواء

وألا اللى مد الخطاوى

يزرع في قلبى بلاء

عارفاكوا

ظابط وجندى

ومسجله الأسماء

ماأنا لما طال الفراق

وعانيت من الحيرة

وعشقت كلمة ياريت

ماتعبت م السيرة

وسنين أسيرة

بقيت باحلم بضربة ألم

على ننى عين الأم

ودى وصفه موصوفة

تنشلى من غربتى

ماأنا كنت مخطوفة

والأم ملهوفة

على رجوع البنيه

ياتور عيني

خلاص عرفتك

ملاحك لي مألوفه

دا انت اللي رفع العلم

فوق قمة المسائر

إنت اللي فرق بلح

يجرح صيام العساكر

قلت لها فاكرك

وسمعت صوت عابر

أتاريه شهيد طاير

بييجى من بهنسا

ويدور على سينا

ميل علينا وقال :

ياسينا سيبى الجدع

ليه تفكره بالوجع

هوہ اللی قلبه انخلع

لحظة مامات جسمی

ادى انت فكرتیه

نسيه وابتسمی

واترسمی فوق الطبیعة

یالم المداين بديعه

خليكى دايما طليعه

واتباهى بالإحسان

ياترّوقى التعبان

وتفوقى السكران

ياتسكتى أحسن

ماتزعلى الفرحان

وترجعيه للكاس

وسته وعشرين سنه

لغة الجاهل

من كثر همك ياوطن

ماعدش فيه هم

ماانت اللي فيك الأمل

وانت اللي عندي أهم

لم الجراح ياقدر

قلب الحجر بينز

والصبر بيهز

في فروع الألم ويلم

القصيده

ياخلق اسمعونا

وجعكم وجعنا

وقلة سمعكم

بتكسر ضلوعنا

وتحرق ماضينا

ياأمة نبينا

راعينا راعيكم

وعابر علينا

هيعبر عليكم

يجرف أماننا

ويسرق أملككم

وساعة خرابكم

هيجي غرابكم

ينوح علينا

يا عالم عبيطه

بدون انفعال

وقلنا وقال

دا وقت الحقايق

وصوت الحقايق

في وش المغالطة

بيصرخ محال

يا عالم أونطة

سيرتكم زوال

في شنطة أخينا

صوابع إيدينا

بتمضى وتبصم

وتختم موافق

لهيب المنافق

في عبك وعبي

ومهما تلبى

مصيرك مصيرى

وفيك النهارده

وبكره في غيرك

ولو جف بيرك

يقرع في بيرى

يفتش ويكبش

وينبش آلامك

ويقلب نظامك

يامولد قلقنا

ياتاصب خيامك

وراشق خصامك

في صلب القرار

كفاية انهيار

ياجامعة ما جامعة

بنطرح ونقسم

ماتقدرش تضرب

وترسم خريطة

جزاها اذاها

بناخذ عزها

بكل افتخار

ياخلق افهمونا

سلامهم كلام

وصالهم بكام

حلالهم ببسکر

حرامهم شعار

ياعزيزة جهنم

سبينا في حالنا

ومش محتاجينك

بطمعك وشرك

وغدرك لدينك

ولو حب عينك

حيطلع علينا

بلاش ترحمينا

حنكفر بذاتك

وبيينك وقوتك

وموتك شهادة

وبعد الشهادة

شفاعه نبينا

فَقَدْ لَاحَظَ

إرسم حروفك على الأمل تشتد

وارسم همومك ضحكيتين ع الخد

واقسم ظروفيك بين قدر ونصيب

واشرب حليب الرضا

واركب خيول الجد

دارى القلق في الهدوء

واحفظ شروق ذاتك

وادفن آهاتك في صبرك

مهما جرحك مد

وان ذاتك تعبت من ذاتك

وآهاتك خنقت دقاتك

وحياتك شرفت م الهم

إياك تهتم

إرضى بنصيبك لو نص كم

والشر ان مر وخر عليك

إوعى ينحيك عن أخلاقك

ويبعتر منك أخطاءك

وغباءك يرقص حواليك

وتشاغب في الخلق كانك

فارس من عصر المماليك

خبط على كل قلوب الخير

وارمى المشاوير قدام سعيك

والدنيا ان جات لك فتنها

وان راحت منك طنشها

واغزل بياض القلب توب

واعمل حسابك للغروب

وامسح عيوب العمر فيك

واملا الجيوب صبر يعافيك

واشطب محالك م القاموس

حاول تدوس على دملك

وان مره شرك شنكك

مانتاش ملك

صباح الخير يا هولندي

من الأول همد الأصل للآخر

وحار كب طيفى وهاسافر

وامد جدورى في واديننا

وأحيى الجد وعرق اتمد من ميننا

وفرع فينا يتمايل

وشايل - زهرة اللوتس -

وتاج رمسيس - وسحر هاميس -

وتعويذة عروس النيل

وراسم صورة في المعبد

في ايدها دليل مهارتنا

وحضارتنا تاريخها طويل

وسيل أمجاد مغرقنا

ومجد كبير ومش عادى

ونور هادى لأرض الخير

صباح الخير عليكى يامصر

صباح الخير عليكى يامصر

صباح الشهد والسكر

صباح المسك والعنبر

صباح الورد والحنه

ياجنة اسمها بلادى

على صبحك على مساكى

على القدرة التي راسماكى

على صدر الزمان صورة

وصورتك نيل وله شطين

وع الشطين نشوف بساتين

وفى البساتين نشوف عصافير

تحط تطير وتعلل لفق

قلوبنا تروق ياخذنا الشوق

ونعشق

ليلك الممدود وفيه بتضمي أحبابك

ونعشق

شعرك المفرد وواصل لما لكعابك

ونسهر لمة في رحابك

وتملا العين تصاويرك

مافيش زيك مافيش غيرك

عبيرك طيفه في النسمة

وحسنك زود البسمة

ومليون رسمه تحكيكي

وترويكي بكل لسان

يا بحر حنان بننهل منه ونعبي

وغصبِ عنا تنجبي

يامحفوظه من الرحمن

وفى - القرآن - بنقراكي

ندعى لك بكل الخير

صباح الخير عليكى يامصر

صباح الخير عليكى يامصر

ياأرض النصر والعزة

وليكى مكانه ومعزة

في كل قلوب محبينك

وللهفة بتسرى فى الوجدان

في كل مكان بتوصلنا

ومهما علينا ووصلنا

على أصولنا بنرجع لك

ونكتب لك تحيتنا

في ورقة بردى من غيطك

أنا شعبك أنا صوتك

أنا صيتك وصييتك

ورصيتك قمر ونجوم

لاخنتك يوم ولا عصيتك

وحطيتك على جبينى

حجاب يحمينى م الحاسدين

ولفيتك شمال ويمين

باعدى من نجاح لنجاح

صباح الخير عليكى يامصر

صباح الخير عليكى يا مصر

يامالكه العصر بالافكار

وكام سكه وكام مشوار

وكام خطوه بدائها

واسسناها ورسينا

وحسينا بفرق كبير

ما بين الجد والتزييف

وغمسنا الرغيف بصحيح

ما فيش تصريح يضللنا

وبعد ماتهننا وادبلنا

حاتحلا لنا الحياه يا اولاد

بدون سخرة ولا جلاذ

ولا أسياد وملكية

سلاح العلم في أيدي

يبيد الجهل بقرايه

وسهرايه على المزياع

واعليكي شراع وشراع

في بحر المعرفة تسبح

وتشرح حرف في كتابك

أنا العابد في محرابك

باقوم من بدرى واتعطر

واصلى الفجر في الأزهر

واعاهد نفسي ع الطاعة

تهل الشمس سطاعه

ونورها يعم تكويني

تصافيني أماراتك

وتشجيني مزاراتك

وتبريني في ذاتك شوق

أنا المرشوق

في كل شروق يناديني

أنا الممشوق

على طولك وبأصولك أنا فيكي

هاحاديكي وابدكي على نفسي

وصوتى يكون لك الشاعر

وجسمى يكون لك السائر

وأقول لك كل يوم شاكر

يدوم العز وتدومى

وأقوم من نومى أدعى لك

وأهدى لك تحياتى

وأقول لك كل طلعة شمس

صباح الخير يامولاتى

ليلة في ليلتك

لما الزمان شاور على وجودك

عديت حدودك وابتديت

أحلم ببيت يخضر فيه عودك

والمح ورودك ع الغصون

شاربين ندى فجر الأمل

والضحكه بتزفرك على خد الصباح

وتلاغى أسرار الهدى

م المبتدا في الكون مدى

الشوق يراجع ذكرياتك وحكاياتك

الغرة كانت آخر المشوار

والليله كانت كلها أضرار

والإنتحار زغلل عيون حلوين
طلعت سنين القهر في الأخبار
شفتك بروح وكانها روحى
وسمعت صمتك في الطريق جبار
خببت جروحي في القلق ماسألتك
ووصلت فيكى لمعبد الأسرار
طار الفؤاد منى وميل يمك
والحب لمك من شعور غدار
توب النصيب ماكانش قد مقاسك
وشربت كاسك من غرام مغلوب
خبى الحنان الآه وراها الآه

والصبر تاه في الحيره والمكتوب

يا عمر دار في الهم والأوجاع

شبع غلب وتريقه وخداع

مدى دراع الحب للى يصونك

يا للى عيونك حزنها ألوان .

مفتوح يا عالم

عابزينى اُفوق

مخنوق ياعالم صدقوا

إزاي هاروق

ورموش عيونى بيغرقوا

مخنوق يادوب هامش

وعايش ع الزكا

وانتوا ياعينى

م المشاهى بتشرقوا

مخنوق ياعالم صدقوا

وشبعت زله وألف عله بتتجلى
والياس واقف في الطريق ببص لى
وانتو ياساده م السعاده بتزهقوا
مخنوق يا عالم صدقوا

مخنوق يا عالم والمظالم مطرقة
والهم طارح والمسارح بعزقة
والستر واقف تحت حبل المشنقة
والصبر خايف من إيديكوا لتحرقه
مخنوق يا عالم صدقوا

٧٠

مخنوق يا عالم والبلاوى مفتجله

وزَهَقَتْ من لعب القُرود والحنجله

لميت حروفي من كشوف البرجله

وحبست عمرى لا المشاكل تحرقه

مخنوق يا عالم صدقوا

مخنوق يا عالم والمرار في الحنجره

والعزم تلم والضلوع متحجره

وانفق طول العمر بيلسوع ورا

والتوب على كل مادا باضيقة

مخنوق يا عالم صدقوا

جایز زحمت

جایز اکون

مخطيء في حق بلادى

لكن صمودى

في المحن يشفع لى

جایز اکون

قصرت ويا اولادى

لكن تملی حبهم یراجعنى

جایز تكون

الدنيا مش على كیفى

لكن بسیفی تجرى وتوسع لى

القصيده

جائز
.

جائز -----
.

جائز يكون صابنى العبط

همى انفرط

خلط الكلام دمع وآهات

والذكريات قالت غلط

ماانتاش غلط
.

ياللى بلعت جبال زلط
.

ومخلفاتك في الشنط

متحنطه من غير غطا

زعلائه من كل القطط

يامين يكمل ع ال

مديت إيدي في السنين

ونسيت حنين لعب العيال

ولعزها هان الصبا

لون الأغاني كان صبا

ونفوس تدوس من غير دليل

والحلم تحت الخوف حبا

وسكنتها هم و جروح

والحسرة كانت مرتبه

بالليل تأخذنى ف حضنها

والصبح تنده لى حبا

وف حجرها شاب الدلع

وف حجرها قلبى إتوجع

التار فزع

والصبر قام صحى الأنام

أيام كفاحى ماتتنيش

مايهمنيش

نسيونى ولا مانسيونيش

كل اللى بس يهمنى

إن الحبيبة تضمنى

وتزود المعروف شوية

دى المسئولية اتوزعت

واتقطعت كل الخطط

يامين يكمل ع الـ

مديت إيدى للنصيب

هديت معابد وحدتى

ومخدتى ونسئها

وأنسئها في ليل الشجون

ورسمتها جوه العيون

وسقيتها من كاس الهنا

من كل شكل وكل لون

وصبحت كون من بختها

لكن تها ما كانتشي

هي المنتهى

علمتها ما تعلمتش

غيرتها ماتغيرتش

ماتجملتش ف يوم رجوعى

حتى لو من غير شعور

طرحت زهور

مبدوره بايدين الزهق

فات الطلق في العود يدوى

الصبر طول الليل

يهوى ع الألم

ياميت ندم

على الحساب اللي انطرح

لكنه أبدا ماانجمع

عمرى اتقسم على كام طريق

واحد يوصل للفراق

والثانى والثالث حريق

طلع الفريق من ملعبى

أنا مش نبى

مر 211 لا

منين أجيب ناس

لمعناة الكلام يتلوه

الله يجازى النفط والمعتوه

ضلوه وضل وركبوه مرجيحه

خلى الفضيحه للعرب جراتين

خدعوه ماكل وشمموه الريحه

دبح الدبيحه وحنط القرنين

يامسلمين وحدوه

رضع الزعيم الوهم في البزازة

شقت لماذا هدمها من فرستنا

جرستنا سالت عكرت ميتنا

خبيتنا كبرت عبرت المحيطات

قالت معونة هلت الطعنات

دار الزمان والأمريكاتى

عزف قام رقص الميمون

والنقطه بالريالات

آه ياوطن بحالات

ياكافل الرحلات وسبع الخوف

هيقسمونا وبعدها نتباد

بغداد محطه

واللى جاى فى الغيب

ياألف عيب على خيبة الخابيين

العين مافيش قدامها نظرة عين

والسن مكسور الجناح وحزين

والزيف هزم نبض القلوب النيه

والهمه رمه وحلمها كوابيس

الشر طايح في البلاد إبليس

والموت بياخد كل لحظه عريس

ياعم قيس الحق والتضليل

الويل بيطلع في الليالي نور

والصمت وسع رقعة العبوديه

والمسئوليه سعيها مأمور

باين حنرجع للى فات ونغور

والدور عليكم يا الله مكننوه

منين أجيب ناس لمعناة الكلام

يتلوه

لا اله الا الله

مش ممكن أطلع منى

ولا يمكن أبلغ سنى

ولا يمكن أسكر

من كاس غير كاسى

ولا يمكن أخالف راسى

لكن مش ممكن

أرفض أكون مداد

يطرح فى بلاد مش مألوفه

خايف لا الشوفه تكون عاميه

والخاطر يدخل فى مخاطر

ولا احصل شاطر ولا خايب

والجهل العايب يهزمنى

وشعورى لو مره قسمنى

ورسمنى وشوش هيتوه لونى

بين الحمصى والكمونى

وظنونى تمصمص شفايفها

وكشوفها تشطب على بندى

مش قادر أطلع من جلدى

واهدم بلدى وادفن ولدى

ولا قادر اعدى بحور غيرى

واتسحب من عضم مصيرى

واشرب من دم الأفكار

واركب مشوار آخرته جايڙ

لاياعم سامحنى انا مش عايڙ

حزب الله
مقاومة

ورسيت على بر السلامة

والشمس دويت الغمامة

واما وصلت من السفر

قابلتني فرحه وابتسامه

ولقيت مكان آخر دفا

حقد القلوب منه اختفى

الله عليكم ياالله بيكم

قلبي الله كان مجروح شفا

الله عليكم ياالله فيكم

ناس سيرتها مقدفه

الله عليكم ياقتطرة

يامهد أصل المعرفة

من غير شكوك

ماعادش فيه في حياتى شك

الحب شق ضلوعى شق

وقال لى عندك ألف حق

صدق المشاعر ففتحك

والشوق ضحك

لما الحبايب شرفوك

وارقص قوئ حارقص معاك

وافرح هنا وافرح هناك

واوصل لآخر منتهاك

واسمع كلام زى العسل

وسلام غسل توب الوجع

وحوار رفع سهم الأدب

وهزار عجب

والإحترام علا الشراع

للى اتقرا واللى انكتب

لما الحبايب شرفوك

من غير شكوك

ماعادش فيه في حياتي شوك

ياودى عدى للصفاء

وافتح ذراعك للوفا

وخمير شفا

من كاس حباب وشوشوك

وشالوك على جناح الأمانى

للموانى وصلوك

وسابوك تقذف في الحنين

من حين لحن بيفسحوك

من غير شكوك

ماعادش فيه في حياتى شوك

يا عمرى احلم بالهنا

وافتح شبابيك للمنى

واسمع غنا على كل لون

وازرع صباحك في الشروق

الشوق دفى

والفرحة صبحت فرحتين

والحب نام على ريش نعام

والصبر صلى على الجبين

متشكرين

يامفتحين الورد

ع الخد الحزين

متشكرين


يامكسرين الكد

وآلام السنين

متشكرين

يامبدعين القنطرة

متشكرين .



يأْمى يااللهى إله الكون وصانى
أحفظ جميلك وفى القرآن علاكى
يأْمى يااللهى رسول الأمة ورائى
الحق فى صحبتك والجنة فى رضاكى
أكبر وتتألمى بس الهنا فيكى
أضحك بتتبسمى وارتاح على إيديكى
وبين عيونك باشوف الحب نادانى

شلتينى جوة الحشا

نسمه بتحبيكى

حملك وحلمك

وأملك اللى ماليكى

والفرح ساعة مادبك

دبتين فى القلب

تتنهدى حب

واتنفس معانيكى

فاتحه قريتها

من قبل ماتفتح لى

فاقت على

ودقها صحنلى

أول ماشقشوق

بدرى جوه سماها

الحب خدنى

وقلبها فتح لى

طبطب حشاها

ع الجنين بالراحه

طارت بلابل

سعدھا تشرح لى

شقيت قوامها

زغرت في الساحة

مالت تبوسني

والحنان لمح لي

هانت عليها الدنيا

لأجل عيوني

هبت نسائم عطرها

بتفوح لي

هيّ اللي فيّ

حتى بعد وفاتها

هيّ اللي يوم الحشر

راح تفتح لي

فوق الشواشي

كبيت على روى مية

شبيت ويا البخار

حطيت على قلبى طوبة

انهار فوقى الجدار

بصيت جوايا باكى

ورسمت الصبر دار

وسكنت في عضم ليلى

باستنا في النهار

ماعادش فيه

في طموحي ولا فتفتوته

الدنيا رفصتنى وفاتت فوتة

جريت ألف حكاية مع حدوده

طلعت آمالي كلها ملتوته

فرقت من كدى وحيلى اتكسح

والفقر ماشى في جنتى ينفسح

فكرت اتمسح في شله قديمة

طلعت عديمه وطفحها ع النوته

حزنى البعيد شرف وفرحى اتأخر

والهم نايم في الحشا بيشخر

واتبخر الحلم اللى كان في ايدى

ولقينه واقف فوق شواشى التوته

الفضائي

سلامات سلامات ع الفضائيات

والبليات صبحم خواجهات

والبويات لبسوا البديات

والبطلونات عاملين ثورة

والمحبس ساب وألوه ياشباب كداب زفه

نظرة يا إعلام ببس حرام

وغرام مجنون بيشر ذنوب

والفيديو كليب أصبح ياتصيب

في الإنترنت وع المحمول

وفحول الفكر بتتسابق

على روبي ونانسي وزيد وعبيد

ووحيد القرن بيتفرج

إوعى تهرج وتقول موضه

مرفوضه نجوم مش لاقية هدم

ويدوم الهز ياتقليعه

خليتى السكس يدهولنا

وحلالنا يموت م الهجر شهيد

توصل خلافتنا لأعلاها

إوعى تظيط وتقول جاهل

الجهل بسيط والعلم محيط

والفرق ما بينى وبينك خيط

ياأبيض ياأسود

الفهرس

م	الموضوع	من ص	إلى ص
١	تقديم	١	٣
٢	يامالكه القلب	٤	١٦
٣	حكاية غرام ذ	١٧	٢١
٤	سن العشرين	٢٢	٢٧
٥	على ضفة القنطرة	٢٨	٣٩
٦	عزبة جهنم	٤٠	٤٨
٧	فوق الأمل	٤٩	٥٢
٨	صباح الخير يامولاتي	٥٣	٦٣
٩	ليلة ميلادك	٦٤	٦٧
١٠	مخنوق يا عالم	٦٨	٧١
١١	جايز ز علت	٧٢	٧٩
١٢	مر الكلام	٨٠	٨٤
١٣	لاياعم سامحني	٨٥	٨٨
١٤	من غير شكوك	٨٩	٩٥
١٥	أمي	٩٦	١٠٠
١٦	فوق الشواشي	١٠١	١٠٤
١٧	الفضائيات	١٠٥	١٠٧



دار الفنون

٢٠١٥

العين مافيش قدامها نظرة عين

والسن مكسور الجناح وحزين

رقم الإيداع ٢٢٣٧٠ / ٢٠٠٤

الترقيم الدولي I.S.B.N.

مطبعة الرحاب

تليفون : ٥٧٠٦١٢٦ / ٤٠